

積學齋叢書

第
冊

積學齋叢書

卷一

輶軒使者絕代語釋別國方言序

晉郭璞撰

蓋聞方言之作出乎輶軒之使所以巡遊萬國采覽異
言車軌之所交人跡之所蹈靡不畢載以爲奏籍周秦
之季其業隳廢莫有存者暨乎楊生沈淡其志歷載構
綴乃就斯文是以三五之篇著而獨鑒之功顯故可不
出戶庭而坐照四表不勞疇咨而物來能名攷九服之
逸言標六代之絕語類離詞之指韻明乖途而同致辨
章風謠而區分曲通萬殊而不襍眞洽見之奇書不刊
之碩記也余少玩雅訓旁味方言復爲之解觸事廣之
演其未及摘其謬漏庶以燕石之瑜補琬琰之瑕俾後

之瞻涉者可以廣寤多聞爾

序

方言箋疏之作也余弟同人實首創之未及成而卽世其本藏之篋笥者十有餘年及賦梅姪弱冠後始出示余余閱其本簡眉牘尾如黑蟻攢集相襍於白蟬趨趨之中幾不可復辨余憫其用力之勤而懼其久而散佚也乃取而件繫之條錄之凡未及者補之複出者刪之未盡者詳之未安者辨之或因此而及彼者則觸類而引伸之譬之築室其基址材木陶埴之資則同人已具之若陰陽向背體立覆蓋牆垣黝堊戶牖門櫺則予實成之竭數年心力始得脫稿自後時加釐正而塗乙纂改者又十之六書成後間嫌有繁冗慮思欲更爲刪

節重複鈔寫多事卒卒殊少暇晷兼之手戰目眩不能
捉管蓋是時余年亦已耄矣同邑吳子嘯庾與余爲忘
年交於儕輩中獨好訓詁之學余出此稿示之囑爲參
訂頗有條理且錄清本貽余後爲壽陽祁相國索去吳
子又爲余錄有此本我子孫其弃之母任鼠傷蟲蝕也
昔毛西河有弟纂易傳未卒業而歿西河爲續成之今
所傳仲氏易卽其本也余之學視西河無能爲役而事
適相類亦愈以增鴿原之戚矣爰述其緣起及成書之
本末如此時咸豐建元辛亥仲春嘉定錢繹自序

凡例

一 方言舊本刻於各種叢書者多有舛譌卽永樂大典本亦間有之近時惟戴東原盧召弓兩家本校訂稍精而亦互有所見不免參差今參眾家本而詳究之以折其衷擇善而從則戴盧兩本居多

一 古今地理稱名代易繁稱博引轉致迷眩今惟據漢晉地理志說文括地志及水經注指明今爲某省某府某縣而已其近人地理各種概不泛引以免多歧

一 今本方言各不同晉唐人書注中有同引方言而被此互異者有或以郭注而誤爲方言正文者今就所見者並列各條下間有疑義則辨析之然必確有所據不

九言箋疏序例
敢妄逞臆見指鹿爲馬

一他書所引方言而今本無其文者詳其文義的係脫落當補者則旁列於條下以清眉目不敢麁混而於箋疏中申明之

一所引諸書頗夥間有舛誤未及詳審者博雅君子其教正之

輶軒使者絕代語釋別國方言箋疏卷一

嘉定錢繹撰集

案諸書稱引及史志著錄皆謂之方言舊唐書經籍志謂之別國方言蓋以其文冗贅並從省文實則一書又宋洪邁容齋隨筆稱爲輶軒使者絕域語釋別國方言攷書中所載並無絕域重譯之言而半爲南楚江湘之間代語云云注以爲凡以異語相易謂之代蓋洪氏偶然誤記故作絕域今從舊題

漢揚雄撰

漢書列傳揚雄字子雲蜀郡成都人也少好學博覽無所不見口吃不能劇談默而好深湛之

思清靜無爲少耆欲不汲汲於富貴不戚戚於貧賤自有大度非聖哲之書不好也非其意雖富貴不事

也年四十餘自蜀來游京師大司馬王音奇其文雅召爲門下吏薦雄待詔甘泉校獵長楊等輒奏賦以

風除爲郎給事黃門年七十一天鳳五年卒

晉郭璞註

景純河東聞喜人也璞少好經術博學有高才而訥於言好古文奇字妙於陰陽厯算終尙書郎記室參軍贈宏農太守

黨曉哲知也楚謂之黨註黨朗也解寤見或曰曉齊宋

之間謂之哲箋疏

釋名智者知也無所不知也白虎通義智者知也見微知著也智與

知通荀子非相篇文而致實博而黨正楊倞注致至也黨與讜同謂直言也案致與黨對文致為至黨宜

為知言文而不流於虛偽博而能知其邪正也注以直言釋之疎矣廣雅黨美也善也美與知義相近美

謂之黨亦謂之媛猶知謂之媛亦謂之黨也卷十二媛知也善與知義亦相近故相親愛謂之知亦謂之

善呂覽貴公篇夷吾善鮑叔是也相親暱謂之善亦謂之黨哀元年左傳無田從黨是也逸周書祭公解

王拜手稽首黨言孟子禹聞善言趙岐注引皋陶謨禹拜讜言今書作昌言史記夏紀作美言義並通也

今人謂知為懂其黨聲之轉歟知謂之黨不知亦謂之儻以相反為義也莊子山木篇儻乎其疑忌是也

注黨朗疊韻字廣韻儻朗火光寬明也儻與黨同解寤謂之黨昏昧亦謂之瞶說文瞶無精直視也光明

謂之黨朗不明亦謂之儻朗潘岳射雉賦徐爰注儻朗不明之兒亦以相反為義也說文曉明也列子仲

尼篇智者之言固非愚者之所曉是曉為知也說文哲知也大正下武篇鄭箋楚詞離騷王逸注並同知

哲一聲之轉應劭漢書五行志注哲明也明謂之哲知亦謂之哲知謂之曉明亦謂之曉知謂之黨猶明

謂之堂也廣
正堂明也

虔儂慧也註謂慧了秦謂之謾註言謾訛晉謂之懇宋

楚之間謂之僥註言便僥也楚或謂之謔註亦今通

語自關而東趙魏之間謂之黠或謂之鬼註言鬼厥

也音義謾莫錢反又亾山反訛音大和箋疏卷十二

疾跳也齊風還篇毛傳儂利也荀子非相篇鄉曲之

儂子楊倂注輕薄巧慧之子也廣正謾慧也說文謾

欺也蓋人用慧黠以欺謾人故慧亦謂之謾也說文

逸字注云逸謾訛善逃也淮南說山訓媒但者非學

謾訛說文沅州謂欺為訛倒言之曰訛謾楚詞九章

或訛謾而不疑洪興祖補注訛謾皆欺也廣正懇慧

也玉篇廣韻並同郭氏音悝玉篇悝疾也義亦相近

今謂小兒慧者曰乖即懇之轉音也廣正捷慧也捷

敏亟也說文亟敏疾也大正烝民篇正義云捷捷舉

動敏疾之兒通作截截秦誓傳曰截截便巧善為辯

譏譏巧言也潛夫論救邊篇引作淺淺說文淺字注
引周書曰斐斐巧言是譏譏淺淺斐斐即截截亦即
捷捷語言巧利謂之譏舉動敏捷謂之捷其義一也
廣正譎慧也玉篇引燕策寡人甚不喜詫者言也詫
與譎聲義並同王懷祖曰大正民勞篇無縱詭隨以
謹無良詭古讀若果隨古讀若譎隨假借字也毛傳
詭隨詭人之善隨人之惡者按詭隨疊韻字不得分
訓詁人之善隨人之惡詭隨即無良者蓋謂譎詐欺
謾之人也廣雅黠鬼慧也玉篇黠慧也漢書趙充國
傳召先零諸豪三十餘人以尤桀黠皆斬之師古注
黠惡也蓋謂奸惡也大戴禮官人篇畸鬼者不仁盧
辯注恃禱祀而不自脩也荀子脩身篇倚魁之行楊
倥注倚奇也魁大也謂偏僻狂怪之行案倚魁與畸
鬼同皆疊韻字猶詭隨也注家皆失之○注鬼賦詳
卷十賦

字條

媼媼好也秦曰娥註言娥娥也宋魏之間謂之媼註言
媼媼也秦晉之間凡好而輕者謂之媼自關而東河
濟之間謂之媼註今關西人亦呼好爲媼或謂之姣

注言姣潔也趙魏燕代之間曰姝注亦四方通語或

曰姝註言姝容也自關而西秦晉之故都曰妍註秦

舊都今扶風雍邱也晉舊都今太原晉陽縣也其俗

通呼好為妍好其通語也音義

嬾音盈媼莫交反姣音狡姝昌朱反又音

株姝音蜂妍五

箋疏

說文秦晉謂好曰姣姣列子楊朱篇鄉有處子之娥姣者史記

千反一作忤

外戚傳邢夫人號姣娥古詩十九首娥娥紅粉妝宋

玉神女賦其狀峩峩與娥通廣疋嬾好也廣韻嬾

美好兒史記趙世家吳廣女名娃嬴重言之曰嬴嬴

廣疋嬴嬴容也嬴與嬾通古詩盈盈樓上女李善注

盈嬴古字通史記高帝紀沛公西畧地入關索隱引

韋曜云函谷武關也又三輔舊事云西以散關為限

東以函谷為界二關之中謂之關中漢書地理志宏

農故秦函谷關案今河南陝州靈寶縣其地也關西

謂靈寶及閬鄉以西也說文媼目裏好也列子周穆

王篇簡鄭衛之處子娥媼靡曼者張湛注娥媼姣好

也廣疋媼姣好也說文姣好也玉篇姣妖媚也荀子

詩佼人僚兮釋文字又作姣好也說文姝好也媯好也引詩靜女其媯又祿佳好也亦引詩靜女其祿今詩作姝毛傳云美色也媯祿姝並通廣雅姝好也詩子之丰兮毛傳豐滿也釋文方言作姝丰姝亦同注言姝容者玉篇姝容好兒義亦同也注又言秦舊都今扶風雍邱者史記正義引括地志岐州雍縣故雍城秦德公大鄭公城也案今陝西鳳翔府鳳翔縣其地也晉舊都今太原晉陽者漢書地理志晉陽故唐國案今山西太原府太原縣其地也廣正妍好也玉篇同陸機文賦序妍蚩好惡李善注妍蚩亦好惡也妍一作忤廣正忤好也玉篇善也善與好義相近

烈枿餘也註謂遺餘也陳鄭之間曰枿晉鄭之間曰烈

秦晉之間曰隸註傳曰夏隸是屏或曰烈音義枿五

隸音箋疏說文烈餘也大正雲漢序宣王承厲王之

謚烈鄭箋同通作裂齊語戎車待游車之裂

韋曜注裂殘也說文裂繒餘也家君曰漢書終軍傳

闕吏與軍繻蘇林注繻帛邊也舊闕出入皆以傳傳

煩因裂繻頭合以為信也既濟六四集解引盧氏云

繻布帛端末之識也端末猶帛邊春秋傳紀裂繻字

子帛皆取餘之義也又通作芻左思魏都賦秦餘徒芻廣正芻餘也小正垂帶而厲毛傳謂帶之垂者蓋垂帶之餘者以為飾故下云帶則有餘也厲與芻亦同厲烈古同聲祭法厲山氏昭廿九年傳作烈山氏詩烈假不瑕唐公房碑作厲盡不遐其例也不正枿餘也說文作櫛云伐木餘也引商書曰若顛木之有枿櫛或作櫛古文作不又作枿又粵字注引書作粵枿家君曰枿即枿之訛商頌苞有三櫛毛傳櫛餘也漢書敘傳劉德注引作枿云木斫髡而復生枿也魯語山不槎枿韋注以株生曰枿辭綜東京賦注斬而復生曰枿淮南俶真訓一人養之十人拔之則必無餘枿又本經訓林無柘梓高注訓柘為桑訓梓為滋生則非木名蓋梓亦即枿字之譌桑柘易生之物而無餘枿極言其斫削也玉藻臣孽鄭注孽當為枿說文斫斷也斫而復萌亦其餘也又斫牙米也牙米與庶孽同意又步剝骨之殘也讀若櫛岸之櫛骨之殘謂之步猶木之餘謂之枿矣廣正隸枿也周南汝墳毛傳隸餘也斬而復生曰隸襄廿九年傳夏隸是屏杜注隸餘也曲禮斂髮無髻鄭注毋垂餘如髮也髻或為隸玉藻束及帶鄭注讀為隸隸餘也

台胎陶鞠養也註台猶頭也晉衛燕魏曰台陳楚韓鄭

之間曰鞠秦或曰陶汝頤梁宋之間曰胎或曰艾注

尔正云艾養也音義台音箋疏台之言頤也序卦傳

名頤養也動于下止于上上下下咀物以養人也說文

宦養也室之東北隅食所居也飴米粢煎也呂覽異

用篇仁人之得飴以養疾侍老也以食養人謂之台

亦謂之頤室之可藏食者謂之宦食之可養人者謂

之飴義並相因也釋詁胎始也衆經音義一引尔正

胎始養也蓋引舊注之文誤脫注字耳胎從台聲台

訓為養故胎亦訓養也廣正陶養也太元元攤資陶

虛無而生乎規范望注陶養也小正蓼莪篇毛傳鞠

養也尔正育養也周頌思文篇鄭箋同夏小正雞桴

粥傳粥養也周官脩閭氏鄭注同鞠育粥古並同聲

鞠之言穀也廣正穀養也小正小弁篇甫田篇鄭箋

並同尔正穀生也又云東風謂之谷風孫炎注生長

之風道德經谷神不死河上公本作浴注浴養也穀

谷浴鞠古聲並近水經汝水出河南梁縣勉鄉西天

息山海內東經汝水出天息山西南入淮今攷汝源

出天息山由許州鄆城縣流入汝寧府西平縣此古

汝水舊道也元末因汝水泛溢為蔡害于汝寧府舞

陽塌斷及明嘉靖中西平水斷汝水祇上承遂平濯

觀諸水流繞汝寧府城而東下蓋汝源變易今古不同矣說文頽水出頽川陽城乾山東入匡案今河南偃師縣其地也小正南山有臺篇鴛鴦篇毛傳並云艾養也釋文徐又音刈刈與义同益稷萬邦作义周頌思文篇正義引鄭注云义養也

憊掩憐牟愛也韓鄭曰憊晉衛曰掩註掩憊多意氣也

汝頽之間曰憐宋魯之間曰牟或曰憐憐通語也音

義

憊人輔反
掩音淹

箋疏

說文憊愛也韓鄭曰憊釋言憊救撫也注憊愛撫也釋詁憊愛也注

韓鄭語案憊憊古同聲說文憊撫也讀若侮小旻篇民雖靡盬韓詩作腓大正周原盥盥劉達注魏都賦引作腓腓李善曰韓詩作腓其例也掩與掩亦同無掩猶撫掩也釋訓矜憐撫掩之也郭注撫掩猶撫拍謂慰恤也下文憐哀也釋名哀愛也愛乃思念也呂覽報更篇人主胡可以不務哀士高注哀愛也牟之言憊也廣雅牟愛也釋詁憊愛也通作憐玉篇憐貪愛也荀子榮辱篇憐憐然唯利飲食之見是狗彘之勇也又憐憐然唯利之見是盜賈之勇也楊倞注憐憐愛欲之見引方言牟愛也宋魯之間曰牟牟憐